

Kantonalno javno komunalno preduzeće
„GRADSKI SAOBRAĆAJ“ d.o.o. Sarajevo
ul Srđana Aleksića br 1, 71000 Sarajevo

UPAVA PRERDUZEĆA

Broj: 04/60

Datum: 26-02-2024

Na osnovu člana 64. stav (1) tačka b), člana 69. stav (1) tačka a) i člana 70. stav (1), (3) i (6) Zakona o javnim nabavkama BiH („Službeni glasnik BiH“ broj 39/14 i 59/22), te člana 21. Pravilnika o nabavci roba, usluga i radova KJKP „Gradski saobraćaj“ d.o.o. Sarajevo, nakon provedenog Otvorenog postupka javne nabavke usluga podijeljen na Lot-ove i to: „Usluga osiguranja autobusa namijenjenih za gradski prevoz putnika – LOT 3025“ i „Usluga osiguranja trolejbusa - LOT 3027“, sa namjerom zaključivanja Okvirnog sporazuma, za koji je, na portalu javnih nabavki, objavljeno Obavještenje o javnoj nabavci broj: 257-1-2-180-3-242/23, dana 30.11.2023 godine i sažetak Obavještenja u „Službeni glasnik BiH“ broj 81/23 od 1.12. 2023 godine, nakon odustaja prvoplasiranog ponuđača od potpisivanja Okvirnog sporazuma, dopis broj: 1916 od 26.2.2024. kojim izabrani ponuđač „EUROHERC OSIGURANJE“ d.d. Sarajevo obavještava ugovorni organ da odustaje od potpisivanja okvirnog sporazuma za predmetnu uslugu, na osnovu **Zapisniku o pregledu i ocijeni ponuda nakon provedenog postupka nadmetanja putem „E“ - aukcije Komisije za javnu nabavku broj: 832 od 25.01.2024. god. i nakon dopisa o odustajanju prvoplasiranog ponuđača i Zaključka Uprave preduzeća o prihvatanju Zapisnika o ocjeni ponuda i preporuka iz Zapisnika broj: 04/30 od 30.01.2024. godine, Uprava preduzeća donijela je:**

ODLUKU

o poništenju odluke broj 04/36 od 07.02.2024. godine i izboru drugoplasiranog ponuđača za javnu nabavku usluga:
„USLUGA OSIGURANJA TROLEJBUSA - LOT 3027“

Član 1.

Poništava se Odluka o izboru najpovoljnijeg ponuđača broj: 04/36 od 07.02.2024. godine za javnu nabavku usluga: „LOT 3027 - Usluga osiguranja trolejbusa“ kojom je kao najpovoljniji ponuđač izabran ponuđač „EUROHERC OSIGURANJE“ d.d. Sarajevo, Trg Međunarodnog prijateljstva br. 20, Sarajevo iz razloga što je izabrani ponuđač dana 26.02.2024. putem e-maila, (dopis br 1916) obavjestio Ugovorni organ da odustaje od potpisivanja Okvirnog sporazuma.

Član 2.

Na osnovu Zapisnika Komisije Komisije za javne nabavke broj: 832 od 25.01.2024. godine, a nakon odustajanja prvoplasiranog ponuđača od potpisivanja okvirnog sporazuma, Ugovorni organ za nabavku usluga: „Usluga osiguranja trolejbusa – LOT 3027“, dodjeljuje Okvirni sporazum drugoplasiranom ponuđaču „SARAJEVO - OSIGURANJE“ d.d. Sarajevo, ul. Maršala Tita br. 29, Sarajevo, na osnovu ponude broj: 01-9518/23, (koverta broj: 13035 zaprimljena na protokol preduzeća dana 21.12.2023 godine), i nakon provedenog postupka nadmetanja putem „E-aukcije“, obavljene dana 25.01.2024. godine, pod slijedećim uslovima:

- | | |
|----------------------|---|
| (1) Ponuđena cijena: | 163.928,00 KM, bez uračunatog PDV-a |
| Napomena: | neprijemljivo je iskazivanje cijene sa uračunatim PDV-om jer se isti ne uračunava na cijenu pružanja usluga osiguranja) |
| (2) Rok plaćanja: | u skladu sa zakonom o finansijskom poslovanju |
| (3) Rok isporuke: | 1 dan po prijemu narudžbe |
| (4) Kvalitet usluga: | Prema tehničkim podacima i elementima ponude |

Član 3.

Ponuda ponuđača iz člana 1. ove Odluke, broj ponuda: 01-9518/23, (koverta broj: 13035 zaprimljena na protokol preduzeća dana 21.12. 2023 godine), proglašava se najpovoljnijom, u skladu s kriterijem za dodjelu ugovora „najniža cijena“ prihvatljive ponude.

Član 4.

S odabranim ponuđačem „SARAJEVO - OSIGURANJE“ d.d. Sarajevo, ul. Maršala Tita br. 29, Sarajevo, po zaprimanju ove Odluke i ispunjavanju preduslova zaključit će Okvirni sporazum i pojedinačni Ugovori za nabavku predmetnih usluga, pobliže opisanih u članu 1. ove Odluke, u skladu sa Članom 98. Zakona o javnim nabavkama, predmetnom tenderskom dokumentacijom i podzakonskim aktima, kojim će se regulisati međusobna prava i obaveze.

Član 5.

Ova Odluka objavit će se na web stranici Ugovornog organa (www.gras.ba), istovremeno s upućivanjem iste ponuđačima koji su učestvovali u predmetnom postupku javne nabavke, u skladu sa članom 70. stav (6) Zakona o javnim nabavkama.

Član 6.

Ova Odluka stupa na snagu danom donošenja i dostavlja se svim ponuđačima koji su učestvovali u predmetnom postupku javne nabavke u skladu sa članom 71. stav (2) Zakona o javnim nabavkama.

Obrazloženje

Poništava se Odluka o izboru najpovoljnijeg ponuđača broj: 04/36 od 07.02.2024. godine za javnu nabavku usluga: „LOT 3027 - Usluga osiguranja trolejbusa“ kojom je kao najpovoljniji ponuđač izabrana ponuđač „EUROHERC OSIGURANJE“ d.d. Sarajevo, Trg Međunarodnog prijateljstva br. 20, Sarajevo, iz razloga što je izabrani ponuđač dana 26.02.2024. putem e-maila (protokol broj 1916) obavjestio Ugovorni organ da odustaje od potpisivanja Okvirnog sporazuma.

KJKP „Gradski saobraćaj“ d.o.o. Sarajevo (u daljem tekstu: Ugovorni organ) je, u skladu sa odredbama Zakona o javnim nabavkama BiH („Službeni glasnik BiH“ broj 39/14 i 59/22), Odlukom o pokretanju postupka javne nabavke broj: 04/628 od 24.11.2023 godine, pokrenuo otvoreni postupak javne nabavke usluga iskazanih po LOT-ovima kako slijedi:

- „Usluga osiguranja autobusa namijenjenih za gradski prevoz putnika – LOT 3025“
- „Usluga osiguranja trolejbusa - LOT 3027“

Procijenjena i planirana vrijednost nabavke „Usluga osiguranja trolejbusa - LOT 3027“, sadržane u Planu nabavki roba, usluga i radova KJKP „Gradski saobraćaj“ za 2023. godinu, iznosi: 171.192,00 KM bez PDV-a.

Javna nabavka je provedena putem Otvorenog postupka javne nabavke.

Prije pokretanja postupka javne nabavke, u skladu sa članom 14a ZJN, izvršeno je istraživanje tržišta u svrhu pripreme nabavke i mogućnostima nabavke, te upućeni e-mail zahtjevi za dostavljanje informativne ponude. Dokazi o istraživanju tržišta sadržani su u spisu predmetne nabavke.

Obavještenje o nabavci broj: 257-1-2-180-3-242/23 objavljeno je na Portalu javnih nabavki dana 30.11.2023 godine, kao i sažetak Obavještenja u „Službeni glasnik BiH“ broj 81/23 od 1.12.2023. godine.

Uvidom u Izvještaj o preuzimanju tenderske dokumentacije sa portala E-nabavke, utvrđeno je da je, od datuma objave do krajnjeg roka za preuzimanje, tendersku dokumentaciju preuzelo ukupno 9 (devet) potencijalnih ponuđača.

Uvidom u izvještaj o pitanjima i odgovorima u vezi sa tenderskom dokumentacijom utvrđeno je kako je od strane potencijalnih ponuđača postavljeno jedno pitanje i na isto je blagovremeno dat odgovor.

Komisija za javnu nabavku imenovana je Odlukom V.d. Generalnog direktora broj: 05/1840, od 15.12. 2023 godine.

Na protokol Ugovornog organa, u ostavljenom roku za dostavljanje ponuda, u zasebnim kovertama, iskazanim za oba LOT-a, blagovremeno su pristigle dvije ponude.

Za nabavku: „Usluga osiguranja trolejbusa - LOT 3027“ dostavljene su ponude ponuđača:

1. Ponuda „SARAJEVO-OSIGURANJE“ D.D. SARAJEVO, ul. Maršala Tita br. 29., Sarajevo, zaprimljena pod brojem 13035 dana 21.12. 2023. godine,
2. Ponuda „EUROHERC OSIGURANJE“ d.d. Sarajevo, Trg Međunarodnog prijateljstva 20, 71000 Sarajevo, zaprimljena pod brojem 13037 dana 21.12. 2023. godine.

U ostavljenom roku za otvaranje ponuda Komisija za javnu nabavku je dana 21.12.2023. god. blagovremeno i pravilno izvršila javno otvaranje dostavljenih ponuda i sačinila Zapisnike sa otvaranja ponuda, za svaki LOT zasebno, koji su elektronskom poštom blagovremeno dostavljeni ponuđačima koji su dostavili ponude.

Nakon javnog otvaranja Komisija za javnu nabavku je pristupila pregledu prispjelih ponuda i ocijene dostavljenih dokumenata – kvalifikacija ponuđača. Komisija za javnu nabavku je nakon pregleda ponuda, za svaki LOT zasebno, sačinila Zapisnike o pregledu i ocijeni ponuda - prije E-aukcije broj 720 od 22.01.2024. godine.

Iz sadržaja zapisnika Komisije o pregledu i ocijeni ponuda - prije E-aukcije broj 720 od 22.01.2024, u predmetu javne nabavke usluga iskazanih kao LOT 1 - „Usluge osiguranja trolejbusa – LOT 3027“, slijedi:

- 1) da su na protokol Ugovornog organa blagovremeno pristigle 2 (dvije) ponude ponuđača i to: „SARAJEVO-OSIGURANJE“ d.d. SARAJEVO i „EUROHERC OSIGURANJE“ d.d. Sarajevo,
- 2) da nije bilo neblagovremeno zaprimljenih ponuda,
- 3) da tokom pregleda i ocijene ponuda nije primijenjen institut pojašnjenja u skladu sa članom 68. stav (3) Zakona,
- 4) da je u dostavljenim ponudama nije bilo uočenih ispravki,
- 5) da je analizom traženih i dostavljenih dokumenata – dokaza o ispunjavanju kvalifikacionih uslova ponuđača utvrđeno kako ne postoje razlozi za isključenje ponuđača – učesnika u predmetnom postupku nabavke,
- 6) da nisu tražene garancije za ozbiljnost ponude u predmetnom postupku nabavke,
- 7) da su dostavljene ponude prihvatljive prema obliku sadržaju i potpunosti,
- 8) da su dostavljene ponude prihvatljive u smislu ispunjenja zahtjeva u pogledu opisa predmeta nabavke i tehničke specifikacije,
- 9) da nije bilo uočenih računskih grešaka u prispjelim ponudama,
- 10) da nema ponuđača čije ponude se odbijaju, kao i da nema razloga za odbijanje ponuda zbog neprirodno niske cijene,
- 11) da su, shodno kriteriju za izbor ponude u predmetnom postupku nabavke „najniža cijena“, u pristiglim ponudama iskazane cijene pružanja predmetnih usluga, bez uračunatog PDV-a, kako slijedi: „SARAJEVO-OSIGURANJE“ D.D. SARAJEVO – 163.928,00 KM KM i „EUROHERC OSIGURANJE“ d.d. Sarajevo – 142.306,00 KM.

Kako je u postupku javne nabavke predviđeno provođenje „E-aukcije u skladu sa Pravilnikom o uslovima i načinu korištenja e-Aukcije („Službeni glasnik BiH“, broj 80/23), a na osnovu Zapisnika o pregledu i ocijeni ponuda prije E-aukcije broj: 720 od zakazan je i proveden postupak nadmetanja ponuđača čije ponude su ocijenjene kao prihvatljive putem „E-aukcije“ dana 25.01.2024. godine.

Nakon provedenog postupka nadmetanja ponuđača, čije ponude su ocijenjene kao prihvatljive, putem „E“-aukcije, Komisiji je dostavljen Izvještaj o toku i završetku predmetne „E“-aukcije provedene dana 25.01.2024. godine, iz čijeg sadržaja slijedi da ponuđači tokom „E“-aukcije nisu mijenjali/umanjivali ponuđene cijene, te da **Rang lista ponuđača nakon provedenog postupka nadmetanja putem „E“-aukcije, glasi:**

NAZIV I SJEDIŠTE PONUĐAČA	Cijena KM (bez PDV-a)
1. EUROHERC OSIGURANJE d.d., Sarajevo	142.306,00 KM
2. SARAJEVO-OSIGURANJE d.d., Sarajevo	163.928,00 KM

Komisija za javnu nabavku je, nakon izvršenih pregleda i ocijene ponuda prije „E“-aukcije broj: 720 od 22.01.2024. godine te provođenja postupka nadmetanja ponuđača putem „E“-aukcije, konstatovala da je **najpovoljnija prihvatljiva ponuda, iskazana za nabavku usluga „Usluga osiguranja trolejbusa – LOT 3027“, ponuda ponuđača „EUROHERC OSIGURANJE“ d.d. Sarajevo, sa sjedištem u Sarajevu, Trg Međunarodnog prijateljstva br. 20, pobliže opisana u dispozitivu ove odluke, te sačinila Zapisnik o pregledu i ocijeni ponuda – nakon „E“ – aukcije broj: 832 od 25.01.2024. godine u kojem je predložila Upravi preduzeća da se donese Odluka o izboru ponude ponuđača „EUROHERC OSIGURANJE“ d.d. Sarajevo kao najpovoljnije.**

Cijeneći prethodne navode utvrđeno je kako je:

- Komisija za javnu nabavku blagovremeno i pravilno izvršila otvaranje ponuda i ocijenu prispjelih ponuda, o čemu je sačinila valjan Zapisnik,
- Komisija u svom radu u potpunosti poštivala Zakon o javnim nabavkama BiH i podzakonske akte, te da je izbor najpovoljnijeg ponuđača izvršen u skladu sa Zakonom o javnim nabavkama BiH, podzakonskim aktima, internim aktima i tenderskoj dokumentaciji,

Izabrani ponuđač je ocijenjen na osnovu kriterija:

- **Najniža cijena**, odnosno na osnovu kriterija utvrđenih u obavještenju o nabavci i tenderskoj dokumentaciji, kako slijedi:

NAZIV I SJEDIŠTE PONUĐAČA	Kriterij najniža cijena / KM (bez PDV-a)
3. EUROHERC OSIGURANJE d.d., Sarajevo	142.306,00 KM
4. SARAJEVO-OSIGURANJE d.d., Sarajevo	163.928,00 KM

Na prijedlog Komisije za javnu nabavku, prema utvrđenom kriteriju „Najniža cijena“ ocijenjeno je da je u Otvorenom postupku za javnu nabavku: „Usluga osiguranja trolejbusa – LOT 3027“, ponuda ponuđača „EUROHERC OSIGURANJE“ d.d. Sarajevo, sa sjedištem Trg Međunarodnog prijateljstva br. 20, Sarajevo, najpovoljnija ponuda.

Izabrani ponuđač je dana 26.02.2024. godine, nakon zaprimanja Odluke o izboru i dodjeli Ugovora broj: 04/36 od 07.02.2024. godine (Odluka zaprimljena dana 08.02.2024. godine) i ispunjavanja preduslova za zaključenje Okvirnog sporazuma u skladu sa Članom 98. Zakona o javnim nabavkama, obavješten da su se stekli uslovi da se Okvirni sporazum za uslugu: „LOT 3027 - Usluga osiguranja trolejbusa“ može potpisati, te da se dostavlja okvirni sporazum na potpis. Izabrani ponuđač „EUROHERC OSIGURANJE“ d.d. Sarajevo, prvo telefonski, a onda šalje i pismeno obavještenje putem e-maila (prtokol broj 1916) da odustaje od potpisivanja okvirnog sporazuma za predmetnu uslugu

Kako je prvoplasirani ponuđač odustao od potpisivanja okvirnog sporazuma za predmetnu uslugu, (Obvjest o odustajanju dostavljena putem e-maila dana 26.02.2024. god.), te na osnovu Zapisnika Komisije za nabavku o ocijeni ponuda nakon „E“ aukcije broj: 832 od 25.01.2024. god. u kojem je Komisija konstatovala da su u Otvorenom postupku javne nabavke „LOT 3027 - Usluga osiguranja trolejbusa“ zaprimljene dvije kvalifikovane ponude i to ponude ponuđača:

	Naziv / Ime ponuđača	Kriterij – Najniža cijena KM bez PDV-a
1.	„EUROHERC OSIGURANJE“ d.d. Sarajevo Sarajevo, Trg Međunarodnog prijateljstva br. 20 Ponuđač odustao od potpisivanja Okvirnog sporazuma dana 26.02.2024. godine	142.306,00 KM
2.	„SARAJEVO-OSIGURANJE“ d.d. Sarajevo Sarajevo, ul. Maršala Tita br. 29	163.928,00 KM

Ugovorni organ, prema utvrđenom kriteriju „Najniža cijena“ u Otvorenom postupku za javnu nabavku: „LOT 3027 - Usluga osiguranja trolejbusa“, Okvirni sporazum za predmetnu uslugu dodjeljuje drugoplasiranom ponuđaču „SARAJEVO - OSIGURANJE“ d.d. Sarajevo, ul. Maršala Tita br. 29, Sarajevo čija je ponuda kvalifikovana i prihvatljiva za ugovorni organ.

Sa izabranim ponuđačem „SARAJEVO - OSIGURANJE“ d.d., Sarajevo, ul. Maršala Tita br. 29, Sarajevo po zaprimanju ove Odluke zaključit će se Okvirni sporazumi i pojedinačni Ugovori za nabavku usluga „LOT 3027 - Usluga osiguranja trolejbusa“, pobliže opisanih u članu 2. ove Odluke, u skladu sa Članom 98. Zakona o javnim nabavkama, predmetnom tenderskom dokumentacijom i podzakonskim aktima, kojim će se regulisati međusobna prava i obaveze.

Iz navedenih razloga, primjenom člana 64. stav (1) tačka b) Najniža cijena Zakona o javnim nabavkama BiH, („Službeni glasnik BiH“ broj 39/14 i 59/22), te člana 21. Pravilnika o nabavci roba, usluga i radova KJKP „Gradski saobraćaj“ d.o.o. Sarajevo, odlučeno je kao u dispozitivu ove Odluke.

POUKA O PRAVNOM LIJEKU

U skladu sa članom 99. i članom 101. Zakona o javnim nabavkama protiv ove odluke može se izjaviti žalba u roku od 10 (deset) dana od dana zaprimanja odluke.

Žalba se izjavljuje URŽ-u putem ugovornog organa u pisanom obliku neposredno na protokolu ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od 3 (tri).

Za Ugovorni organ
Predsjedavajući Uprave preduzeća
V.d. Generalni direktor
Mr. Senad Mujagić

Dostaviti:

1. „SARAJEVO-OSIGURANJE“ d.d. SARAJEVO, ul. Maršala Tita br. 29., Sarajevo
2. „EUROHERC OSIGURANJE“ d.d., Sarajevo, Trg Međunarodnog prijateljstva 20, 71000 Sarajevo
3. UPRAVA PREDUZEĆA
4. Odjeljenje javnih nabavki (u spis)
5. Odjeljenje javnih nabavki
6. Interna revizija
7. Arhiva